

إكرام الله تعالى لأهل القرآن الكريم | د. أيمن سويد

أيمن سويد

والله ما شفت واحد صاحب القرآن بصدق الا ربي اكرمه. والله لا رأيت ولا سمعت بحياتي انسى صاحب القرآن بصدق الا ربي جل جلاله اكرمه قلت هالكلام من سنتين لاحد الاخوة المصريين - [00:00:00](#)

يعني وضعه المادي تعبان كثير. مو تعبان تعبان كثير الله يرضى عليه ويسعده وعنده اربع بنات الله يسلم له اياهم. عم يسعى لتعليمهم القرآن العظيم قلت له هذا الكلام اللي عم قول لكم اياه. قلت له شف يا اخي انت اصدق في تعليم بناتك وعم ياخذن على المشايخ ويسافر من بلد لبلد في مصر حتى يقرأ بناته - [00:00:20](#)

على صغر سنهن ايش؟ القرآن العظيم قل له شف يا اخي والله انا بعمرى ما شفت حدا. صاحب القرآن بصدق الا ربي اكرمه. ولا تسألني كيف؟ قلت له لا تسألني كيف - [00:00:42](#)

لانه هذا رب لا يقال له كيف؟ لا يقال له كيف؟ ويرزقه من من حيث لا لا يحتسب من مكان ما بخطر ببالك ما مضى على هالكلام كم شهر اتصل فيني قال بتتذكر الكلام اللي قلت لي اياه؟ قلت له نعم. قال لي ابي له عم - [00:00:53](#)

توفي العم وليس له وارث الا ابي وترك عمارة اربع ادوار فابي باعتباره الوريث الوحيد صارت العمارة له. قال لي يا ابني انا حاطيك دورين. دور بتسكن فيه انت وعيالك ودور بتعمله تحفيز قرآن - [00:01:14](#)

قلت له ما قلت لك ما قلت لك فانتهم يا اخوانا اصدقوا في تعلم وتعليم كتاب الله. يكون هادا هدفكم اياكم من مداخل الشيطان. اوعك يخطر ببالك تعظيم الناس. اياك ثم اياك. ان رضيو وان زعلوا وان عظموك وان ما عظموك. كله متل بعضه - [00:01:35](#)

ما لي ومال البرايا. غبار ترب بتربي. مين البرايا؟ غبار ترب بترب. حدا بيلتفت للترب؟ بالله عليكم ما بكون عقله صغير هلاً تصور واحد هيك واقف مع التراب وفرحان لك ليش فرحان تراب هدول - [00:01:55](#)

ما لي ومال البرايا غبار ترب بترب. حدا بيترك رب الناس وبيشغل بالناس؟ هادا من علامة صغر العقول تتوفر جميع مؤلفات فضيلة الدكتور على الموقع الالكتروني دبليو دبليو دوت غوثاني دوت كوم - [00:02:12](#)